

სახელმწიფო შესყიდვების შესახებ ხელშეკრულების პროექტი
ხელშეკრულება N

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის აუქციონის გარეშე ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად

ქ. ხაშური

----- 2018 წელი

ერთის მხრივ ხაშურის მუნიციპალიტეტი (შემდგომში - შემსყიდველი) წარმოდგენილი მუნიციპალიტეტის მერის გიორგი გურასპაშვილის სახით და მეორეს მხრივ, ----- (შემდგომში - მიმწოდებელი) წარმოდგენილი ----- სახით, სახელმწიფო შესყიდვების შესახებ კანონმდებლობისა და მიმწოდებლის სატენდერო წინადადების საფუძველზე, **NAT----- ელექტრონული ტენდერის აუქციონის გარეშე** ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“- ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ასრულებს სამუშაოს ხელშეკრულების ფარგლებში.
- 1.6. „შესყიდვის ობიექტი“- ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ - **NAT-----ელექტრონული ტენდერის აუქციონის გარეშე** სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების ობიექტი

- 2.1. ხელშეკრულების ობიექტია: **ხაშურის მუნიციპალიტეტის სოფელ ქვიშხეთში გზის მოასფალტების სამუშაოების შესყიდვა (CPV კოდი: ----).**
- 2.2. ხელშეკრულებით გათვალისწინებული შესყიდვის ობიექტის აღწერა მოცემულია ტექნიკურ დავალებაში, რომელიც დაერთვება ხელშეკრულებას, როგორც მისი განუყოფელი ნაწილი;
- 2.3. ტექნიკურ დავალებაში დაფიქსირებული ყველა მონაცემი, პარამეტრი, ვადები, ტექნიკური და სხვა პირობები, მხარეთა პასუხისმგებლობის ფორმები და სხვა წარმოადგენენ ხელშეკრულების პირობებს.

3. ხელშეკრულების ჯამური ღირებულება

- 3.1. ხელშეკრულების ჯამური ღირებულება შეადგენს ----- **ლარს.**
- 3.2. ხელშეკრულების ჯამური ღირებულება უნდა მოიცავდეს მიმწოდებლისათვის მოქმედი კანონმდებლობით განსაზღვრულ ყველა გადასახდელს.

4. მიწოდების პირობები და ვადები

- 4.1. შესყიდვის ობიექტის მიწოდების ვადა: **ხელშეკრულების გაფორმებიდან 90 კალენდარული დღე;**
- 4.2. შესყიდვის ობიექტის მიწოდების ადგილი: **ხაშურის მუნიციპალიტეტის ტერიტორია, სოფელი ქვიშხეთი.**

5. ხელშეკრულების მოქმედების ვადა

- 5.1. ხელშეკრულება ძალაში შედის მხარეთა მიერ ხელმოწერისთანავე და მოქმედებს **2018 წლის — ჩათვლით (ერთი თვით უნდა აღემატებოდეს შესყიდვის ობიექტის მიწოდების ვადას).**

6. შესყიდვის ობიექტის მიღება-ჩაბარების წესი

- 6.1. შესყიდვის ობიექტის, როგორც შუალედური, ისე საბოლოო მიღება მოხდება მიმწოდებლის წერილობითი მომართვის, ფორმა N2-ის, საგადასახადო ანგარიშგაქტურის ან/და სასაქონლო ზედნადების და შესრულებული სამუშაოს ხარისხზე, საპროექტო-სახარჯთაღრიცხვო დოკუმენტაციასთან შესაბამისობაზე, მოცულობასა და ღირებულებაზე შპს „ოპტიმალ გრუპ“ - ის მიერ გაცემული საექსპერტო დასკვნის წარმოდგენის შემდეგ. შპს „ოპტიმალ გრუპ“ - ის მიერ ექსპერტიზის დასკვნის წარმოდგენამდე პერიოდში მიმწოდებელს არ დაეკისრება პირგასამტეხლოს გადახდა. უარყოფითი დასკვნის წარმოდგენის შემთხვევაში პრეტენდენტზე გავრცელდება ხელშეკრულების მე-11 მუხლის 11.5. პუნქტით განსაზღვრული პასუხისმგებლობა ხელშეკრულების მოქმედების ვადის დასრულებამდე.
- 6.2. სამუშაო დასრულებულად ჩაითვლება მიმწოდებლის მიერ სამუშაოს დასრულებაზე განაცხადის, საბოლოო შესრულებული სამუშაოს აქტის (ფორმა N2) და ხელშეკრულებით გათვალისწინებული დოკუმენტაციის (ფოტოილუსტრაცია, ფარული სამუშაოების აქტი და სხვა) წარმოდგენის შემდეგ.
- 6.3. შემსყიდველმა მიმწოდებელს დაუყოვნებლივ, წერილობით უნდა აცნობოს საბოლოო ინსპექტირების შედეგები, უარყოფითი სამუშაოს მითითებით და უარყოფის მიზეზები.
- 6.4. ხელშეკრულებით გათვალისწინებული სამუშაოს მიღებას ახორცილებენ მიმწოდებელი და შემსყიდველი ორგანიზაციის ხელმძღვანელის ბრძანებით განსაზღვრული პირები, რომლებიც შპს „ოპტიმალ გრუპ“ - ის მიერ გაცემული საექსპერტო დასკვნის მიხედვით აფორმებენ მიღება-ჩაბარების აქტს.
- 6.5. შესრულებული სამუშაოს აქტი (ფორმა N2), შპს „ოპტიმალ გრუპ“ -ის მიერ გაცემული საექსპერტო დასკვნა, მიღება-ჩაბარების აქტი შემსყიდველს წარედგინება შემსყიდველი ორგანიზაციის ხელმძღვანელის ბრძანებით განსაზღვრული პირების მიერ;
- 6.6. ფარული სამუშაოს შესრულების შემთხვევაში შპს „ოპტიმალ გრუპ“ -ის თანდასწრებით უნდა შედგეს შესაბამისი აქტი, რომელსაც თან უნდა ერთოდეს სამუშაოს შესრულების ამსახველი ფოტომასალა, სადაც ასახული იქნება სამუშაოს ყველა ეტაპი (დაწყებამდე, მიმდინარეობის პროცესი, დასრულების შემდეგ).
- 6.7. ასფალტის ნიმუშის აღების ან/და სამშენებლო მოედანზე ექსპერტიზის ჩატარების პროცესი უნდა მოხდეს შემსყიდველის წარმომადგენლის-შპს „ოპტიმალ გრუპ“ - ის თანდასწრებით.
- 6.8. ინტერესთა კონფლიქტის თავიდან აცილების მიზნით ხელშეკრულებაში შემსყიდველი მხარის წარმომადგენლები ხელის მოწერით ადასტურებენ, რომ მათი მონაწილეობა სახელმწიფო შესყიდვების შესახებ 2018 წლის ----- N----- ხელშეკრულებაში არ იწვევს ინტერესთა კონფლიქტს.

7. ხელშეკრულების ობიექტის ხარისხი და გარანტია

- 7.1. შესყიდვის ობიექტის ხარისხი უნდა შეესაბამებოდეს შემსყიდველის მოთხოვნებს.
- 7.2. სამუშაოს შესრულების პროცესში ყველა გამოყენებული მასალა და მოწყობილობა უნდა იყოს ხარისხიანი და აკმაყოფილებდეს პროექტის მოთხოვნებს და საქართველოში მოქმედ ყველა სამშენებლო ნორმასა და სტანდარტს, წინააღმდეგ შემთხვევაში შემსყიდველი უფლებამოსილია გამოიყენოს მიმწოდებლის მიმართ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები. შემსყიდველი ორგანიზაცია უფლებამოსილია მოითხოვოს გამოყენებული მასალების ხარისხის დამადასტურებელი სერტიფიკატები, ლაბორატორიული კვლევის შედეგები/დასკვნები, აგრეთვე შესყიდვის და ობიექტამდე ტრანსპორტირების დამადასტურებელი დოკუმენტაცია. შემსყიდველის ან შემსყიდველის წარმომადგენლის შესაბამისი მოთხოვნის შემთხვევაში მიმწოდებელი ვალდებულია უზრუნველყოს მასალების ხარისხის დამადასტურებელი, მიმდინარე მოქმედების ვადის მქონე სერთიფიკატების წარმოდგენა და მათი მიკვლევადობა. სერთიფიკატების უცხო ენაზე წარდგენის შემთხვევაში საქართველოს კანონმდებლობით დადგენილი წესით შესრულებული თარგმანები ქართულ ენაზე;
- 7.3. შესყიდვის ობიექტს არ უნდა გააჩნდეს უფლებრივი ან/და ნივთობრივი ნაკლი, რომელიც აუარესებს მისი გამოყენების მაჩვენებელს.
- 7.4. შემსყიდველი ვალდებულია წერილობითი ფორმით დაუყოვნებლივ აცნობოს მიმწოდებელს ნაკლის აღმოჩენის შესახებ.
- 7.5. შესრულებული სამუშაოების გარანტიის ვადა განისაზღვრება საბოლოო მიღება - ჩაბარების აქტის გაფორმებიდან 3 წლის განმავლობაში. რა პერიოდშიც მიმწოდებელი ვალდებულია საკუთარი ხარჯებით უზრუნველყოს გამოვლენილი დეფექტის/ნაკლის აღმოფხვრა, დეფექტის/ნაკლის აღმოჩენიდან არაუმეტეს 1 თვეში. აღნიშნული ვადის დარღვევის შემთხვევაში შემსყიდველი უფლებამოსილია მიმწოდებელს დააკისროს პირგასამტეხლო მიყენებული ზიანის 1%-ის ოდენობით ყოველ ვადაგადაცილებულ დღეზე.
- 7.6. საგარანტო პერიოდში დეფექტის/ნაკლის შედეგად შემსყიდველსა და მესამე პირებისათვის მიყენებული ზიანის ანაზღაურებას უზრუნველყოფს მიმწოდებელი.

8. ანგარიშსწორების პირობები

8.1. შესყიდვის ობიექტის ღირებულების ანაზღაურება მოხდება უნაღდო ანგარიშსწორების წესით, ეროვნულ ვალუტაში, ეტაპობრივად, (დაფინანსების წყარო: სახელმწიფო ბიუჯეტიდან 80%; ადგილობრივი ბიუჯეტიდან 20%), ხელშეკრულებით გათვალისწინებული დოკუმენტაციის წარმოდგენიდან 10 (ათი) სამუშაო დღის ვადაში;

8.2 ანგარიშსწორება შესაძლებელია განხორციელდეს ეტაპობრივად, არაუმეტეს 6 ეტაპად, ამასთანავე თითოეულ ეტაპზე შესაძლებელია ანაზღაურდეს ფაქტიურად შესრულებული სამუშაოები, რომელთა ღირებულება შეადგენს ხელშეკრულების ჯამური ღირებულების არანაკლებ 10 % - ისა.

8.3. როგორც შუალედური, ისე საბოლოო ანგარიშსწორება განხორციელდება მიმწოდებლის მიერ წარმოდგენილი ფორმა N2-ის მიხედვით შესრულებული სამუშაოს ხარისხზე, საპროექტო-სახარჯთაღრიცხვო დოკუმენტაციასთან შესაბამისობაზე, მოცულობასა და ღირებულებაზე, შემსყიდველის მიერ ამ მიზნებისთვის შერჩეული, შესაბამის სფეროებში აკრედიტებული პირის (ინსპექტირების ორგანოს) - შპს „ოპტიმალ გრუპ +“ - ის მიერ გაცემული საექსპერტო დასკვნის საფუძველზე გაფორმებული შუალედური ან საბოლოო მიღება-ჩაბარების აქტზე შემსყიდველის უფლებამოსილი წარმომადგენლების მიერ ხელისმწერის შემდეგ, მიმწოდებლის მიერ შესაბამისი ფინანსური დოკუმენტაციის წარმოდგენიდან 10 (ათი) სამუშაო დღის განმავლობაში.

8.4. პირგასამტეხლოს დაკისრების შემთხვევაში მიმწოდებელს შესრულებული სამუშაოს ღირებულება აუნაზღაურდება მხოლოდ პირგასამტეხლოს გადახდის შემდეგ;

8.5. წინასწარი ანგარიშსწორება არ გამოიყენება.

9. მხარეთა უფლება-მოვალეობანი

9.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.

9.2. შემსყიდველი ვალდებულია:

ა) გადასცეს მიმწოდებელს ინფორმაცია შესყიდვის ობიექტის მიწოდებასთან დაკავშირებული ყველა არსებითი გარემოების შესახებ;

ბ) აანაზღაუროს შესყიდვის ობიექტის ღირებულება.

9.3. შემსყიდველს უფლება აქვს:

ა) განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;

ბ) წარმოქმნილი აუცილებლობის შემთხვევაში შეცვალოს შესყიდვის ობიექტების ჩამონათვალი, დააზუსტოს შესასრულებელ სამუშაოთა ნუსხა ხელშეკრულებით გათვალისწინებული ჯამური ღირებულების ფარგლებში;

გ) საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება.

9.4. მიმწოდებელი ვალდებულია:

ა) დაიცვას შესასრულებელი სამუშაოების თანხობრივი გეგმა-გრაფიკი, რომელიც გაწერილი იქნება 15 დღიან პერიოდებზე, გეგმა-გრაფიკის ბოლო პერიოდი არ უნდა შეადგენდეს საერთო ღირებულების 10%-ზე მეტს;

ბ) ხელშეკრულების გაფორმებიდან არაუგვიანეს 3 სამუშაო დღის განმავლობაში დაიწყოს სამუშაოები, წინააღმდეგ შემთხვევაში შემსყიდველი იტოვებს უფლებას შეწყვიტოს ხელშეკრულება და მიმწოდებელს დააკისროს პირგასამტეხლოს გადახდა შეუსრულებელი სამუშაოების ღირებულების 10%-ის ოდენობით.

გ) ხელშეკრულების გაფორმებამდე შეისწავლოს ტექნიკურ დავალებებში მოცემული შესყიდვის ობიექტის აღწერა და წარმოდგენილი ხარჯთაღრიცხვა. გამოვლენილი უზუსტობების შემთხვევაში დაუყოვნებლივ აცნობოს შემსყიდველს, წინააღმდეგ შემთხვევაში მიმწოდებლის პრეტენზია არ განიხილება.

დ) სამუშაოს შესრულებისას, ნებისმიერი კომუნიკაციის დაზიანების შემთხვევაში საკუთარი სახსრებით უზრუნველყოს დაზიანების აღმოფხვრა;

ე) მიწის სამუშაოების წარმოებისას საჭიროების შემთხვევაში უზრუნველყოს სს „საქართველოს გაერთიანებული სატელეკომუნიკაციო კომპანიის“ ხაშურის ფილიალის, შპს „საქართველოს რკინიგზის“, სს „საქართველოს გაერთიანებული წყალმომარაგების კომპანიის“ ხაშურის სერვის ცენტრის, შპს „ოპტიკურ-ბოჭკოვანი ტელეკომუნიკაციის ქსელი-ფოტონიკი“-ს და შპს „სოკარ ჯორჯია გაზი-ქართლი“-ს პასუხისმგებელი წარმომადგენლების დასწრება;

ვ) სამუშაოების მიმდინარეობის პერიოდში წარმოადგინოს ფოტოილუსტრაცია კონკრეტულ მონაკვეთზე სამუშაოების დაწყებამდე და დასრულების შემდეგ;

ზ) ფარული სამუშაოს შესრულების შემთხვევაში შპს „ოპტიმალ გრუპ +“-ის თანდასწრებით უნდა შედგეს შესაბამისი აქტი, რომელსაც თან უნდა ერთოდეს სამუშაოს შესრულების ამსახველი ფოტომასალა, სადაც ასახული იქნება სამუშაოს ყველა ეტაპი (დაწყებამდე, მიმდინარეობის პროცესი, დასრულების შემდეგ).

თ) ასფალტის ნიმუშის აღების ან/და სამშენებლო მოედანზე ექსპერტიზის ჩატარების პროცესი უნდა მოხდეს შემსყიდველის წარმომადგენლის-შპს „ოპტიმალ გრუპ +“ - ის თანდასწრებით.

ი) სამუშაოების დასრულების შემდეგ თავისი ძალებით და სახსრებით **ორი კვირის** განმავლობაში გაათავისუფლოს სამუშაო ადგილი სამშენებლო მოწყობილობა-დანადგარებისაგან, მასალებისაგან, დროებითი ნაგებობებისაგან და ა.შ. მოთხოვნის შემთხვევაში წარმოადგინოს ობიექტიდან სამშენებლო ნარჩენების ტრანსპორტირების დამადასტურებელი დოკუმენტაცია.

კ) გამოსაყენებელი/გამოყენებული მასალების, აგრეთვე შესრულებული სამუშაოების ხარისხის დადასტურების მიზნით, მიმწოდებელი ვალდებულია საქართველოში მოქმედი ნორმატიულ-ტექნიკური დოკუმენტების მოთხოვნების თანახმად ეტაპობრივად, დადგენილ ვადებში წარმოადგინოს შესაბამისი საკონტროლო ლაბორატორიული გამოცდების, შემოწმებების, კვლევების შედეგები, რომლებიც გაცემული იქნება შესაბამის სფეროში აკრედიტებული საგამოცდო ლაბორატორიის მიერ (საქართველოს ტერიტორიაზე ასეთი ლაბორატორიის არსებობის შემთხვევაში) მასალების და სამუშაოების ხარისხი უნდა შეესაბამებოდეს პროექტის და საქართველოში მოქმედი ნორმატიულ-ტექნიკური დოკუმენტების და სტანდარტების მოთხოვნებს.

ლ) მიმწოდებელი ვალდებულია სამუშაოები შეასრულოს ჯეროვნად საპროექტო-სახარჯთაღრიცხვო დოკუმენტაციის, მოქმედი ნორმატიულ-ტექნიკური დოკუმენტების, მსგავსი სამუშაოებისათვის უკვე არსებული სტანდარტების შესაბამისად. ნორმებიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს სამუშაო ან/და მიმწოდებლის მიმართ გამოიყენოს ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

მ) მიმწოდებელი ვალდებულია სამუშაოების შესრულების პროცესში აწარმოოს საქართველოში მოქმედი ნორმატიულ-ტექნიკური დოკუმენტებით მოთხოვნილი საშემსრულებლო დოკუმენტაცია.

ნ) მიმწოდებელმა უნდა უზრუნველყოს თვალსაჩინო ადგილას საინფორმაციო დაფის (მინიმუმ 2 ცალი, არანაკლებ 100სმ/80სმ) განთავსება, რომელზეც უნდა იყოს აღნიშნული მოსალოდნელი მშენებლობის მონაცემები, კერძოდ:

- ა) დამკვეთის ვინაობას და საკონტაქტო ინფორმაცია;
- ბ) შემსრულებლის ვინაობა და საკონტაქტო ინფორმაცია;
- გ) წარწერა „ბოდიშს გიხდით შეფერხებისათვის“;

საინფორმაციო დაფა უნდა არსებობდეს სამშენებლო სამუშაოთა წარმოების მთელ პერიოდში და მოიხსნას სამუშაოების დასრულების ან/და ექსპლუატაციაში მიღების შემდეგ.

ო) დააკმაყოფილოს შემსყიდველის მოთხოვნა დამატებითი მონაცემებისა და გარანტიების წარმოდგენის შესახებ კანონმდებლობით დადგენილი წესით;

პ) დაიცვას ხელშეკრულებით გათვალისწინებული ყველა პირობა.

9.5. მიმწოდებელს უფლება აქვს:

ა) მოსთხოვოს შემსყიდველს შესრულებელი სამუშაოს ანაზღაურება ხელშეკრულებით გათვალისწინებული პირობებით.

10. ხელშეკრულების უზრუნველყოფის საბანკო გარანტია

10.1. ტენდერში გამოყენებული იქნება ხელშეკრულების შესრულების უზრუნველყოფის უპირობო, გამოუთხოვადი საბანკო გარანტია საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან, ხელშეკრულების საერთო ღირებულების **5%-ის** (თეთრ სიაში დარეგისტრირებული მიმწოდებლის შემთხვევაში **2.5%**) ოდენობით, ეროვნულ ვალუტაში - ლარში, შემდეგი ფორმის დაცვით: დაბეჭდილი გარანტიის გამცემი დაწესებულების ტიტულიან ფურცელზე (ბლანკი), ხელმოწერილი უფლებამოსილი პირის მიერ და ბეჭედასმული.

10.2. საბანკო გარანტიაში მითითებული უნდა იყოს, რომ გარანტი კისრულობს საგარანტიო თანხის გადახდის ვალდებულებას პრინციპალის მიერ ხელშეკრულების პირობების დარღვევის შემთხვევაში, დაუყოვნებლივ, ბენეფიციარის წერილობითი მოთხოვნის საფუძველზე.

10.3. თუ ტენდერში ელექტრონული ვაჭრობის შედეგად გამარჯვებული პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესაბამისი ტენდერის შესყიდვის ობიექტის სავარაუდო ღირებულებაზე, შემსყიდველ ორგანიზაციას უფლება აქვს მოსთხოვოს პრეტენდენტს ხელშეკრულების შესრულების საბანკო გარანტია ხელშეკრულების საერთო ღირებულების **8%-ის** ოდენობით.

10.4. ხელშეკრულების უზრუნველყოფის საბანკო გარანტიის მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას.

10.5. მიმწოდებლის მიერ სახელმწიფო შესყიდვების შესახებ ხელშეკრულების შეუსრულებლობის გამო მოსალოდნელი რისკის თავიდან აცილების მიზნით, ხელშეკრულების 10.1. პუნქტის შესაბამისად, ტენდერში გამოიყენება გარანტიის მექანიზმი, მიმწოდებლის მიერ „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების 34-ე მუხლის მე-2 პუნქტის შესაბამისად წარმოდგენილი **საბანკო გარანტია №-----, გაცემული 2018 წლის -- -- -- -- --ს, „-----“ის მიერ თანხით ----- (-----) ლარი, რომლის მოქმედების ვადა განისაზღვრება 2018 წლის -----მდე.**

11. მხარეთა პასუხისმგებლობა ხელშეკრულების დარღვევისას

11.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

11.2. თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

11.3. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

11.4. ხელშეკრულებიდან გასვლასთან და ზიანის ანაზღაურებასთან დაკავშირებით შესაბამისად გამოიყენება საქართველოს სამოქალაქო კოდექსი.

11.5. ხელშეკრულებით გათვალისწინებული ვალდებულების შესრულების ვადების დარღვევის შემთხვევაში, დამრღვევ მხარეს დაეკისრება პირგასამტეხლოს გადახდა ვალდებულების შესრულების ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების **0.02%-ის** ოდენობით, იმ შემთხვევაში, თუ მიმწოდებლის მიერ ვადების გადაცდენისათვის დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების **0.2%-ს** „შემსყიდველს“ უფლება აქვს შეწყვიტოს ხელშეკრულება.

11.6. ხელშეკრულების მე-6 მუხლის 6.2. პუნქტით გათვალისწინებული დოკუმენტაციის წარმოდგენიდან შპს „ოპტიმალ გრუპ +“ - ის მიერ ექსპერტიზის დასკვნის წარმოდგენამდე პერიოდში მიმწოდებელს არ დაეკისრება პირგასამტეხლოს გადახდა. უარყოფითი დასკვნის წარმოდგენის შემთხვევაში პრეტენდენტზე გავრცელდება ხელშეკრულების მე-11 მუხლის 11.5. პუნქტით განსაზღვრული პასუხისმგებლობა ხელშეკრულების მოქმედების ვადის დასრულებამდე.

11.7. შემსყიდველი უფლებამოსილია შეწყვიტოს ხელშეკრულება ხელშეკრულებით ნაკისრი ვალდებულებების შეუსრულებლობის შემთხვევაში.

11.8. ხელშეკრულებით ნაკისრი ვალდებულებების შეუსრულებლობის შემთხვევაში მიმწოდებელს ეკისრება პირგასამტეხლოს გადახდა შეუსრულებელი სამუშაოების ღირებულების 10%-ის ოდენობით;

11.9. გეგმა-გრაფიკით გათვალისწინებული პერიოდების ვადების დარღვევის შემთხვევაში დამრღვევ მხარეს დაეკისრება ხელშეკრულების მე-11 მუხლის 11.5. პუნქტით გათვალისწინებული პასუხისმგებლობა (პირგასამტეხლო ყოველ ვადაგადაცილებულ დღეზე);

11.10. შემსყიდველი უფლებამოსილია გეგმა-გრაფიკით გათვალისწინებული შესასრულებელი სამუშაოების 10 დღეზე მეტი ვადით ჩამორჩენის შემთხვევაში (გარდა-გეგმა გრაფიკით გათვალისწინებული საბოლოო პერიოდისა) ცალმხრივად შეწყვიტოს ხელშეკრულება და ხელშეკრულების ცალმხრივად შეწყვეტის შემთხვევაში მიმწოდებელს დააკისროს პირგასამტეხლო შეუსრულებელი (დარჩენილი) სამუშაოების ღირებულების 10%-ის ოდენობით.

11.11. ხელშეკრულების მოქმედების პერიოდში პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

12. ხელშეკრულების პირობების გადასინჯვის შესაძლებლობა

12.1. არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

12.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12.3. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

12.4. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

12.5. ხელშეკრულებაში პირობების ცვლილება ფორმდება დანართის სახით და წარმოადგენს ხელშეკრულების განუყოფელ ნაწილს.

13. ხელშეკრულების შესრულების შეფერხება

13.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ შეფერხების ფაქტის წარმოშობისას დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. წინააღმდეგ შემთხვევაში წინადადება არ განიხილება. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

13.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

14. ფორს-მაჟორი

14.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

14.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

14.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

15. დავები და მათი გადაწყვეტის წესი

15.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

15.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

16. ხელშეკრულების შესრულების კონტროლი

16.1. შემსყიდველი უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

16.2. ხელშეკრულების პირობების შესრულების კონტროლს შემსყიდველის მხრიდან განახორციელებს შპს „**ოპტიმალ გრუპ**“ + **2017 წლის 24 აგვისტოს გაფორმებული N148 ხელშეკრულების შესაბამისად;**

16.3. თუ შესყიდვის ობიექტი არ აკმაყოფილებს ხელშეკრულებით გათვალისწინებულ პირობებს, შემსყიდველი უფლებამოსილია ხელშეკრულების პირობების შესრულების კონტროლზე პასუხისმგებელი პირის ან/და პირების დასკვნის საფუძველზე მოითხოვოს არსებული ხარვეზების გამოსწორება. ხარვეზების გამოსწორებამდე, შემსყიდველი უფლებამოსილია უარი თქვას ხელშეკრულებით გათვალისწინებული სანაცვლო ვალდებულებების შესრულებაზე, რის შესახებაც მიმწოდებელს ეცნობება წერილობით.

16.4. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

16.5. გამოვლენილი დეფექტის ან ნაკლის აღმოფხვრასთან და კონტროლის ხელახლა განხორციელებასთან დაკავშირებული ხარჯების, ასევე მესამე პირის დაზიანებული ქონების ღირებულების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

17. ქვეკონტრაქტორები

17.1. ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს ქვეკონტრაქტორ(ებ)ის აყვანის ან შეცვლის შესახებ (ქვეკონტრაქტორის აყვანის აუცილებლობის მიზეზების დასაბუთებით). ქვეკონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება შეთანხმების სახით, წერილობითი ფორმით და წარმოადგენს წინამდებარე ხელშეკრულების განუყოფელ ნაწილს.

17.2. მიმწოდებელმა მოთხოვნის შემთხვევაში უნდა წარუდგინოს შემსყიდველს ქვეკონტრაქტორების სარეგისტრაციო/უფლებრივი მონაცემების ამსახველი დოკუმენტები;

17.3. მესამე მხარეების მიერ მიმწოდებლის წინააღმდეგ სარჩელების წამოყენების და სასამართლო პროცედურების დაწყების შემთხვევაში, შემსყიდველს მათთან დაკავშირებით არ ეკისრება არანაირი ფინანსური პასუხისმგებლობა.

18. სხვა პირობები

18.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

18.2. მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

18.3. ხელშეკრულება შედგენილია ქართულ ენაზე, ოთხ ეგზემპლარად (სამი „შემსყიდველს“, ერთი „მიმწოდებელს“), რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

18.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

18.5. ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ ითვლება ხელშეკრულების განუყოფელ ნაწილად და სავალდებულოა შესასრულებლად.

18.6. მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე. რეკვიზიტების ცვლილების თაობაზე მეორე მხარეს ეცნობება წერილობით.

18.7. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

19. მხარეთა იურიდიული მისამართები და რეკვიზიტები

შემსყიდველი:

ხაშურის მუნიციპალიტეტი

ქ. ხაშური, ტაბიძის ქ. N2

მიმღების დასახელება: ხაზინის ერთიანი ანგარიში

მიმღების ბანკი: სახელმწიფო ხაზინა TRESGE22

ა/ა GE24NB0330100200165022; საიდენტიფიკაციო კოდი: N243908848.

ხაშურის მუნიციპალიტეტის მერი _____ გიორგი გურასპაშვილი

ბ. ა.